

Arkiv: <arkivID><jplD> FE-010, FE-011, FE-012
JournalpostID:
Sakshandsamar:
Dato: 20.08.2021

Saksframlegg

Saksnr.	Utval	Møtedato
019/21	Valstyret	02.09.2021

Gjennomføring av val i pandemi

Rådmannen sitt framlegg til vedtak:

Veljarar som er i isolasjon kan søkje om å røyste heimefrå fram til valdagen 13.september kl. 10:00.

Veljarar som er i karantene kan, etter avtale, røyste ved koronasenteret eller evt.heimefrå dersom dei ikkje kan koma seg der med bil.

Valstyret 02.09.2021:

Handsaming:

Rådmannen sitt framlegg vart samrøystes vedteke.

VAL- 019/21 Vedtak:

Veljarar som er i isolasjon kan søkje om å røyste heimefrå fram til valdagen 13.september kl. 10:00.

Veljarar som er i karantene kan, etter avtale, røyste ved koronasenteret eller evt.heimefrå dersom dei ikkje kan koma seg der med bil.

Politisk handsaming

Saka skal avgjerast i valstyret

For at kommunane skal kunne gjennomføra valet og ivareta smittevern, er det er gjort midlertidige endringar i vallova og kommunelova. Lovendringane legg til rette for at alle kommunar kan gjennomføra valet på ein trygg og god måte.

Friske veljarar kan røysta som normalt, men må følgja smittevernreglane.

Veljarar i karantene og i isolasjon skal vente med å røysta til dei er frisk, men dersom det ikkje er mogleg skal kommunen leggja til rette for at dei og får røysta.

Det kan vera eigne stader for røysting, med ekstra smittevern, eller heime.

Det er felles frist for søknad om ambulerane røysting i heile landet, dette er fredag 10.sept.kl.10:00

Utvida frist for veljarar som er i isolasjon er valdagen kl. 10:00, kommunen kan ta imot desse røystane laudag, sundag før valdagen og valdagen. Dette gjeld kun veljarar som er i isolasjon og som røyster i den kommunen dei er manntalsførde, røystane vert opptalde som valtingsrøyster.

Fristen skal kunngjerast av valstyret.

Vi har sett på kvar vi kan leggja til rette for denne røystinga. Dei veljarane som er i isolasjon tar kontakt med kommunen og avtalar tid og stad for heimerøysting.

Dersom veljaren kan koma seg til koronasenteret i bil, vert røysta mottat der. Om dette ikkje er mogleg vil ein valmedarbeidar koma heim til veljaren.

Det vert ein røyستمottakar, med fullt smittevernustyr, som tar imot røysta i konvolutt.

Veljarar i karantene møter etter avtale ved koronasenteret. Veljaren kjører til koronasenteret, der er ein valmedarbeidar er på plass og tar imot røystesetel i konvolutt frå bilen. Dette vert gjort torsdag, fredag, laurdag og sundag etter koronasenteret stenger (torsdag og fredag frå 16:00, laurdag frå 15:00)etter behov.

Smittevern i vallokala:

I vallokala er det handsprit som alle skal bruke når dei kjem inn i lokalet, overflate sprit til kontaktflatar og munnbind.

Dersom det vert kø, vil valmedarbeidarane passe på alle held avstand. Det kan vera aktuelt med bruk av munnbind.

Det er kjøpt inn plexiglass til alle vallokala.